

## INFORMAZIUNS PUR CORVARA CALFOSCH:



**Aodanzes:** nostes aodanzes va a Alexander Rottonara y Lucia Pitscheider che se marida in sabeda te dlijia da Calfosch. La benediscium de Di i acompagnëies düta la vita y che chësc lian sides impli de fede, fedelté y amur. Düt l'bun.

**Cëna cun teater - "En forma por tres"**: Le Consëi de Formaziun dl Comun de Corvara mët a jì in vëndres 27 de ma dales 19.00 tl salf dles manifestaziuns a Corvara na cëna cun n teater criminal, olache le publich é invié da stomé chi che é l'assassin dla storia, che sará da odëi tratan cëna sön paladina. Sön paladina él da odëi Ellen Alfreider, Alessandro Bonfanti, Andreas Peccei, Sabine Rudiferia, Tobias Stampfe y Susann Tavella. La rejia é de Erika Castlunger. Por informaziuns él da cherdé sö Sonia al nr. 3491588485.

### **Referat por jogn y jones - SVILUPÉ Y ADORÉ LA FORZA MENTALA**

In vëindres, ai 27 de ma 2022 dales 19.30 te SaJ.un a La Ila (Ciasa dla Cultura 2) I jüc olimpics é jüs a piz de forá. Atlec y atletes ábaié gonot dl' importanza dla „forza mentala“. Mode ci se tratera pa chiló avisa? Tratan chësc referat te mostri, co che te pos svilupé forza mentala, citecniches che al esist y co che te pos la adoré sidestl sport, co tla scora y tla vita da vigni de. Referënt: Valentin Piffraider Organisations: Consëi de Formaziun de Badia, en colaboraziun cun le Sorvisc ai Jogn Val Badia.

**La biblioteca Sas dla Crusc** inviëia a na spazirada por imparé a conëscce les erbes salvaraies che crësc tla natöra in jöbia, ai 26.05.2022 dales 13:00 ales 16:00. Se incontun a San Linert dan la Ciasa di Pici. Referënta è Helga Alton. An pò se prenoté al numer 349/8229288 (i posc é limitá).

**L'Aministraziun dl Comun da Corvara** lascia alsavëi che cun la fin de mà gnaral tut demez dötes les ciampanes por la racoiüda dl papire, spidl y metal, ad ezeziun dles ciampanes ti punc de racoiüda tla **Strada Rütort** (dlungia l'garage di laoranti de comun) y tla **Strada Col Pradat** (tla plaza da parché do l'Black Hill). Cun l' **01.06.2022** podarà chisc dui punc de racoiüda ma plü gnì anuzà dales utënzes privates; dötes les atres utënzes che n'é nia privates, messarà conferi papire, metall y spidl tl zënter de reziclaje "Col Maladët". Chesta dezijiun é gnüda tuta al fin de garanti ai zitadins y sciori che vijita l' comun da Corvara n paisc plü nët y ordiné.

**"La Ciamena dal quant a Piculin** é sëgn indô daverta la jöbia dales 14.00 ales 16.00".



## Plata dla Ploania

**Corvara**  
S. Tarina y Cör de Gejú  
**Calfosch**  
San Vighile y S. Michël

Ploan: Siur Andreas Perathoner  
Calonia Corvara: 0471/836134  
Radio dla Ploania: 93,30 Mhz

UNITÉ PASTORALA



www.unitepastorala.org

Ann "C" 22.05 – 29.05.2022 VI° Domènia do Pasca n. 26

**"Se uno mi ama osserverà la mia parola."**

Giovanni 14,23

La parola di Gesù è unica.

Per aiutarci  
a comprenderla  
e ricordarla Gesù ci  
dona lo Spirito Santo.  
Egli ci libererà anche  
dal disorientamento  
e dalla paura,  
facendoci  
camminare, giorno  
dopo giorno  
con fiducia e saggezza.



**Lasciamoci plasmare dalla verità della sua Parola**

Impressum: Ploania Corvara-Callfosch – Redaziun: Zingerle Cristina

Comunicaziuns: cina al mercui sëra a Zingerle Cristina [info@pensionvittoria.com](mailto:info@pensionvittoria.com)

Download: plata: [www.valbadiaonline.it/comunite/ploa](http://www.valbadiaonline.it/comunite/ploa) es/ploanies/ploania-corvara.html

## S. Mësses pur Corvara

- 22.05.2022 **Dumënia – Domenica – Sonntag – VI. Dumënia dô Pasca**  
*Jan 14,23-29* **Festa di destüdafüic y benedisciun de n'auto nü**  
10,00 S.Mëssa pur la Comunité sunada dala müjiga Calfosch - Corvara.  
S.Mëssa pur def.to Andreas Agreiter.  
S.Mëssa pur def.to Enrico Bassot.  
S.Mëssa pur def.to Milio Dapunt.  
S.Mëssa pur def.to Frnacesco y Maria Pescosta, La Ila.  
S.Mëssa ad intenziun dla fam. Delazer – Deiacò.  
S.Mëssa pur def.to Paul, Herta y Anna Pedevilla.
- 18,00 Corona de mà.**
- 23.05.2022 **Lünesc – Lunedì – Montag**  
18,30 S.Mëssa pur def.ta Traudi Dalponte.  
S.Mëssa pur def.ti proi Siur Franz, Siur Fonjo y Siur Heinrich Videsott.  
S.Mëssa pur les püres animes y def.to Siur Fonjo.  
S.Mëssa dl'ann pur def.to Herbert Dalponte, Soce.
- 26.05.2022 **Jöbia – Giovedì – Donnerstag**  
07,45 Tolun ite la porciun da La Ila y S.Mëssa.  
S.Mëssa pur vís y def.ti dla fam. Pezzei, Col Alt.  
S.Mëssa pur def.ta Maria Pescolderung.
- 19,00 Piun ia in porciun pur Calfosch y ailò Liturgia dla Parola.**
- 27.05.2022 **Vëindres – Venerdì – Freitag**  
**19,00 Piun ia in porciun pur La Ila y ailò dales 20.00 Liturgia dla Parola.**
- 28.05.2022 **Sabeda – Sabato – Samstag**  
**07,30 Porciun fina jö da punt y adüm ala porciun da Calfosch fina te dljia y ailò**  
S.Mëssa pur def.ti Siur Heinrich Videsott, Siur Fonjo y Siur Franz.
- 29.05.2022 **Dumënia – Domenica – Sonntag – Festa dl'Assënza**  
*Jan 17,20-26* 10,00 S.Mëssa pur la Comunité.  
S.Mëssa pur def.to Erich Kostner.  
S.Mëssa dl'ann pur def.ta Maria Sigismondi.  
S.Mëssa dl'ann pur def.to Sighi Foppa.  
S.Mëssa dl'ann pur def.to Martin Planatscher y pur def.ti Renate y Norbert.
- 18,00 Corona de mà.**

**L'orar de ufize:** sarà chëst'edema l mercui, ai 25 de mà dales 09.00 ales 11.00 y nia l mertesc.

**Sentada pur chi che va in Jeo:** chi che va in Jeo dai 02 ai 04 de jügn 2022 é dër bel invià a na sentada de informaziun in mertesc, ai 24 de mà dales 20.00 te salff de calonia a Corvara.

**Dis dles crusc:** sön l tru da Merscia a Calfosch vëgnel in chësta ota laorè. Porchël messarun jì cun la prozesciun da Morin sö.

**Ringraziamënt:** n gran giulan y Dî s'l paies a düc chic he à daidè pro la festa dla Prüma S. Comuniun: la Michi cun les atres maestres, la müjiga, la Edith, les forzes dl ordin, chi dai confaruns y tröc d'atri. N Dî t'il paies particular va ala uma che à fat spaternöres por düc. Sperun che les families les adores gonot, nia ma sëgn de mà mo ince a jì in pelegrinaje y ia pur düc l'ann.



## S. Mësses pur Calfosch

- 22.05.2022 **Dumënia – Domenica – Sonntag – VI. Dumënia dô Pasca**  
*Jan 14,23-29* 08,30 S.Mëssa pur la Comunité.  
S.Mëssa pur def.ta Monica Daporta – Alfreider.  
S.Mëssa pur def.to Manuel Pescollderungg.
- 23.05.2022 **Lünesc – Lunedì – Montag**  
**19,30 Corona de mà.**
- 24.05.2022 **Mertesc – Martedì – Dienstag**  
17,00 S.Mëssa pur def.ti Klara, Maria y Martin Schrott.  
S.Mëssa pur def.to Vijo Pescollderungg.
- 25.05.2022 **Mercui – Mercoledì - Mittwoch**  
17,00 III. S.Mëssa de supultüra pur def.ta Herta Dibiasi – Costa.  
S.Mëssa pur def.ti Wilma y Franz Kastlunger.  
S.Mëssa pur vís y def.ti Pescosta – Ferrari.
- 26.05.2022 **Jöbia – Giovedì - Donnerstag**  
**19,30 Porciun te paisc adüm ala porciun da Corvara fina te dljia y ailò liturgia dla Parola.**
- 27.05.2022 **Vëindres – Venerdì – Freitag**  
**18,30 Piun ia in porciun pur La Ila y ailò dales 20.00 Liturgia dla Parola.**
- 28.05.2022 **Sabeda – Sabato – Samstag**  
**07,15 Piun ia in porciun pur Corvara y ailò S.Mëssa.**  
11,30 Matrimone cun S. Mëssa di nevic Alexander Rottonara y Lucia Pitscheider.  
17,00 Prüna S.Mëssa dla VII. Dumënia dô Pasca:  
S.Mëssa pur def.ti Giuseppe y Astrid Aichner.  
S.Mëssa pur def.to Gabriel Oberbacher.  
S.Mëssa pur def.ti Eugenio y Maria Rederlechner.  
S.Mëssa pur S.Maria dal aiüt y Siur Heinrich.
- 29.05.2022 **Dumënia – Domenica – Sonntag – Festa dl'Assënza**  
*Jan 17,20-26* 08,30 S.Mëssa pur la Comunité.  
S.Mëssa pur def.ti Florian y Monica Alfreider.  
S.Mëssa pur def.to Edi Lanzinger.  
11,00 BATO de **Anna Pescollderungg.**



**Sentada pur chi che va in Jeo:** chi che va in Jeo dai 02 ai 04 de jügn 2022 é dër bel invià a na sentada de informaziun in mertesc, ai 24 de mà dales 20.00 te salff de calonia a Corvara.

**Dis dles crusc:** sön l tru da Merscia a Calfosch vëgnel in chësta ota laorè. Porchël messarun jì cun la prozesciun da Morin jö.

## **INFORMAZIUNS PUR CORVARA CALFOSCH:**

**La Scora de Musiga Val Badia** inviëia dër bel al **concert de conclujiun te dljia y defora** in lönesc ai **30 de ma 2022** a **Al Plan** dales **17:00 te dljia** y dales **18:00 sön paiun**. Ara sará da aldí melodies y toc musical portá dant dales scolares y dai scolars dla Scora de musiga.

### **Chël pa che dëida ala preparaziun di Sacramënc**

Vigni sorvisc é prezius , al costa dediziun y tëmp, mo al porta ligrëza y benedisciun. Por le sorvisc de preparaziun ai Sacramënc ( Bato, la Comuniun, Crejima ) vëgnl pité na formaziun sceria da d'altonn tres la Unité pastorala Val Badia.

Por informaziuns y iscriziun al curs tel. a Annamaria Fiung 347 5277810 cina ala fin de jügn. I aspetun osta cherdada.

### **N de interessant al Seminar da Porsenú ai 28/5/2022**

Le Seminar cun siur Markus Moling invëia jogn y ëi interescià a passé n de deboriada con n bel programm, la sabeda ai 28 de ma. Da se informé y prenoté al tel.0472/271100.

**Referat: Testamënt biologich... ciodi pa?** Aldedaincö é la medejina bona da varí tröpes maraties. Datrai sozedel indere, che da arlungé la vita dla persona, vëgnel ince arlungé le patimënt o le mé. Le testamënt biologich nes dá la poscibilité de dí danfora nosta orenté, por ci che reverda les cures da fa y/o les medejines da tó ite, tl cajo che an gniss atocá da maraties che ne va nia da varí. Tl referat jaran ite plö avisa sön ci che le testamënt biologich é, can y co che an pó le fá, chi che se dëida y i. i. Le reladú é l' dotur Aichner da Bornech. Le referat vëgn tigní por todësch, mo an podará fa domandes ince por talian. **En jöbia, 26.05.2022, dales 20:00 tla Ciasa Jan Batista Runcher a Badia**

**Festa de Pasca de mà por jogn y jones a Porsenù:** da Pasca de ma vëgnel organisé n "Fest der Jugend" te nosta diozeja. Dai 04/06 ai 05/06 se abina jogn y jones tl dom da Porsenú a cianté, workshops, festejé y perié. Al vëgn ince dé la poscibilité da sté suranöt. Stlüta jö vëgn la festa cun la santa mëssa zelebrada da nosc vësko Ivo Muser. Al é da se prenoté online sot al sit [www.pfingsten.at/veranstalter/brixen/](http://www.pfingsten.at/veranstalter/brixen/) , olache an ciafa le program y deplü informaziuns. Döta la festa vëgn ince trasmetöda por livestream!